

CPCD protokol br: 905/2017.godine

Sarajevo, 30.11.2017.godine

Konkurentski zahtjev za dostavljanje ponuda br. UN 004/17-001

Predmet	Kreiranje i implementacija četiri dvodnevna treninga za organizacije civilnog društva, članice mreže NEVAC
Ugovarač	Centar za promociju civilnog društva/CPCD
U okviru projekta	Borba protiv nasilja nad djecom
Lokacija isporuke	Gradačka bb, Sarajevo
Kontakt osoba	Dajana Cvjetković
Kontakt informacije	dajana.cvjetkovic@cpcd.ba
Trajanje projektnog zadatka	od 10.12.2017. do 31.01.2018.
Datum objave zahtjeva za ponudu	30.11.2017.
Trajanje poziva za dostavljanje ponuda	10 dana
Krajnji rok za dostavljanje ponuda	10.12.2017. godine do 17:00h

Pozadina:

Neformalna mreža organizacija civilnog društva NEVAC trenutno okuplja 36 organizacija posvećenih unapređenju pitanja zaštite prava djece i sprovođenju aktivnosti na lokalnom i regionalnom nivou za prevenciju nasilja nad djecom. Tokom višegodišnjeg programa „Borba protiv nasilja nad djecom“ kojeg finansira Evropska Unija a provodi se uz podršku UNICEF-a, Centar za promociju civilnog društva (CPCD) je organizovao edukacije za sve članove mreže i to na teme:

- a) Strateško planiranje;
- b) Informativni i orijentacijski trening o domaćim i međunarodnim instrumentima i mehanizmima za zaštitu prava djece;
- c) Programiranje dječijih prava;
- d) Efektivno zagovaranje za zaštitu dječijih prava;
- e) Izgradnja kapaciteta za prikupljanje podataka o zaštiti dječijih prava;
- f) Kreiranje javnih politika.;
- g) Izgradnja policy dijaloga;
- h) Zagovaranje za kreiranje i sprovedbu politika zaštite djece od nasilja.

Predmet usluge:

Kreiranje ideje i sprovedba četiri dvodnevna treninga za 20 – 25 predstavnika i predstavnicu organizacija civilnog društva koje u fokusu svog rada imaju djecu :

LOT1: Prevencija nasilja nad djecom

Cilj treninga je unapređenje znanja, vještina i tehnika prevencije nasilja nad djecom sa posebnim fokusom na prevenciju nasilja u digitalnom okruženju obuhvatajući nove trendove (sexting, grooming, sextortion), prevenciju, tretiranje i zakonske odredbe tjelesnog kažnjavanja djece i prevenciju vršnjačkog nasilja u školskom i van školskom okruženju.

Očekivani rezultati:

- Učesnici i učesnice upoznate sa različitim oblicima nasilja nad djecom;
- Učesnici i učesnice unaprijedili vještine prevencije nasilja nad djecom ;
- Predstavljene najbolje svjetske prakse u prevenciji nasilja nad djecom;
- učesnici i učesnice osposobljeni da samostalno integrišu aktivnosti prevencije specifičnih oblika nasilja nad djecom u svoje postojeće programe.

LOT2: Identificiranje, postupanje i izvještavanje u slučajevima nasilja nad djecom

Cilj treninga je osvijestiti učesnike o sveprisutnosti i negativnim djelovanjima rodnih stereotipa i uloga na pojavu nasilja kako bi smanjili nivo tolerancije na svaki oblik nasilja nad djecom i ženama u BiH. Učesnici treninga, aktivisti, profesionalci i drugi koji se svakodnevno susreću sa djecom kao najvulnerabilnijom populacijom bili upoznati sa mehanizmima prikupljanja podataka o nasilju nad djecom kao i lakše identificirali i prijavili slučajeve nasilja nad djecom.

Očekivani rezultati:

- Učesnici treninga unaprijedili znanje o faktorima koji podižu raznu tolerancije spram nasilja nad djecom kako bi sistemski utjecali na smanjenje razine tolerancije spram nasilja
- Učesnici i učesnice upoznate sa postojećim mehanizmima prijavljivanja i tretiranja nasilja nad djecom u BiH;
- Predstavljene regionalne i svjetske prakse u postupanju sa djecom žrtvama nasilja;
- Organizacije civilnog društva, članice mreže NEVAC, osnažene da prijavljuju i izvještavaju o slučajevima nasilja nad djecom.

LOT 3: Strategije zagovaranja

Učesnici i učesnice treninga su upoznati sa osnovama zagovaračkog procesa pa je cilj treninga strategija zagovaranja i usavršavanje znanja i vještina u oblasti zagovaranja zasnovanog na specifičnim strategijama koje zadovoljavaju specifične potrebe ciljnih grupa.

Očekivani rezultati:

- Učesnici i učesnice unaprijedili znanja i vještine zagovaranja i upoznati su sa fazama procesa zagovaranja;
- Jasno definisane i obrazložene strategije zagovaranja;

- Učesnici i učesnice treninga znaju upotrijebiti specifičnu strategiju zagovaranja u skladu sa željenim ciljem.

LOT 4: Strateško komuniciranje kao dio zagovaračkog procesa

Komuniciranje je složen i zahtjevan proces koji treba biti detaljno isplaniran i pravovremeno sproveden da bi dosegao cilj. Posebnu pažnju treba posvetiti strateškom komuniciranju tokom zagovaranja i niti jedna komponenta zagovaranja ne treba biti izostavljena iz komunikacijskog plana. Učesnici i učesnice treninga će steći kompetencije potrebne za integraciju komunikacija u zagovarački plan.

Očekivani rezultati:

- Učesnici i učesnice unaprijedili znanja i vještine strateškog komuniciranja;
- Učesnici i učesnice upoznati sa elementima procesa komuniciranja u svrhu postizanja zagovaračkih ciljeva;
- Predstavljani različiti alati i modaliteti strateškog komuniciranja;
- Predstavljene prednosti različitih medija komuniciranja u odnosu na ciljnu grupu;
- Učesnici i učesnice stekli znanja i vještine potrebne za kreiranje efektivnih zagovaračkih poruka;
- Učesnici i učesnice upoznati sa alatima monitoringa i evaluacije zagovaračkih procesa.
-

Neophodne tehničke karakteristike:

Opis tražene usluge se nalazi u Aneksu 1 u prilogu ovog zahtjeva.

Jezički zahtjevi:

Ponuda i treninzi trebaju biti sprovedeni na jezicima naroda u Bosni i Hercegovini.

Komunikacija sa ugovaračem:

Sve informacije u vezi sa pružanjem usluge, zahtjevi za pojašnjenje i druge informacije, ponuđači mogu dobiti isključivo od kontakt osobe, u protivnom drugi način korespodencije ugovarač neće smatrati valjanim. Razmjene informacija između ugovarača i ponuđača trebaju se odvijati u pisanoj formi, putem e-maila: dajana.cvjetkovic@cpcd.ba. Pitanja se mogu slati do 07.12.2017. do 17:00h. Odgovori na sva pitanja pristigla do datog roka će se dostaviti najkasnije do 08.12.2017. do 17:00h.

Priprema ponude:

Ponuda se dostavlja mailom i treba da sadrži tehničku i finansijsku specifikaciju na formularima koji se dostavljaju u prilogu ovog poziva Aneks 1 i Aneks 2 sa tačno naznačenim LOTovima na koje se ponuda odnosi. Ponuđač može dostaviti ponudu za sprovedene jednog ili više LOTova, ali se ocjenjivanje ponude vrši za svaki LOT pojedinačno.

Ponuđači su obavezni da pripreme ponudu u skladu sa uslovima za dostavljanje. Ponude koje nisu u skladu sa uslovima, biće odbačene kao neprihvatljive.

Ponuđači snose sve troškove nastale u toku pripreme i dostavljanja ponude. Ugovarač ne snosi nikakve troškove u postupku nabavke. Ponuda mora sadržavati datum, potpis i pečat ovlaštenog lica ponuđača i kontakt informacije. Ponuđači su dužni dostaviti cijenu ponude u skladu sa svim karakteristikama ponude. U slučaju da ponuđač ne odgovori ovom zahtjevu, njegova ponuda će biti odbačena. Ponuđač može biti pravno i fizičko lice iz BiH.

U roku za podnošenje ponuda, ponuđač može da izmijeni, dopuni ili povuče ponudu. Ponuđač podnosi izmjenu, dopunu ili povlačenje ponude sa naznakom jedne od opcija: „izmjena/dopuna/povlačenje ponude br. UN 004/17-001“.

Period važenja ponude:

Ponude moraju da važe 90 dana, računajući od dana zatvaranja poziva za ponude.

Finansijska ponuda:

Finansijska ponuda se dostavlja na obrascu u Aneksu 2.

Cijena ponude se piše brojevima i slovima, a izražava u konvertibilnim markama (KM). U cijenu ponude uračunati su svi troškovi predmeta ponude. Cijene se iskazuju bez PDV-a, i zbirnom kolonom u kojoj se nalazi ukupna cijena za traženu količinu. Ukoliko ponuđač nudi popust, potrebno je da ga navede za svaki LOT pojedinačno. Popust ne smije ovisiti o broju LOTova koji će biti povjereni ponuđaču. Ukoliko ponuđač ne iskaže popust na način da je posebno iskazan u obrascu za cijene, smatraće se da ga nije ni ponudio.

U slučaju neslaganja iznosa upisanih brojčano i slovima, prednost se daje iznosu upisanom slovima. Ugovarač ne može imati nikakve dodatne troškove, osim onih koji su navedeni u ovom obrascu.

Uslovi za kvalifikaciju ponuđača:

- CV trenera
- Dokaz o uspješno realiziranim treninzima o istovjetnim ili srodnim temama

Mogu se prijaviti kompanije registrovane u BiH, neformalne grupa eksperata ili individualci sa područja Bosne i Hercegovine.

Ugovarač će odbiti ponudu, ukoliko je ponuđač, koji je dostavio ponudu, dao ili namjerava dati poklon nekom od uposlenika kod ugovarača, u vidu novčanog iznosa ili nekom drugom obliku, u pokušaju da izvrši uticaj na sam tok postupka nabavke. U slučaju da ponuda, koju ugovarač primi u toku postupka nabavke, prouzrokuje ili može prouzrokovati sukob interesa, u skladu sa važećim propisima o sukobu interesa u Bosni i Hercegovini, ugovarač će postupati u skladu sa propisima.

Rok za donošenje odluke o izboru ponuđača:

Ugovarač će donijeti odluku o izboru najpovoljnijeg ponuđača u roku od 5 (pet) dana od roka za podnošenje ponuda.

Ugovarač će izabranog ponuđača obavijestiti o prihvatanju ponude najkasnije u roku od 5 (pet) dana. U istom periodu biće obaviješteni i svi ostali ponuđači u postupku nabavke, čija ponuda nije prihvaćena.

Rok, načini i uslovi plaćanja izabranom ponuđaču:

1. Ukoliko je odabrani ponuđač pravno lice, plaćanje će se izvršiti u roku iz stava 1. od dostavljanja fakture za realizovanu uslugu, na žiro račun ponuđača, koji je dostavljen u ponudi.

2. Ukoliko je odabrani ponuđač fizičko lice, po njegovom odabiru i obavijesti o izboru, sa uspješnim ponuđačem će se potpisati ugovor o autorskom djelu, a plaćanje će se izvršiti u roku iz stava 1, na lični transakcijski račun koji bude naveden u finansijskoj ponudi.

Plaćanje se vrši 15 dana nakon pružene usluge. Rokovi plaćanja mogu biti i drugačije definisani između ponuđača i naručioca. Ovim pozivom nije predviđeno avansno plaćanje.

Kriterij za odabir najbolje ponude:

Ugovarač će donijeti odluku o najuspješnijoj ponudi na osnovu najboljeg ponuđenog kvaliteta usluge za ponuđenu cijenu.

Način dostavljanja ponude:

Ponude se dostavljaju putem maila na dajana.cvietkovic@cpcd.ba sa naznakom: Ponuda br. UN 004/17-001 Za Kreiranje i implementacija četiri dvodnevna treninga za organizacije civilnog društva, članice mreže NEVAC.

Krajnji rok za dostavljanje je 10.12.2017. godine do 17:00h.